


BACARDI



Carnival Costume Festival

i n t e r n a t i o n a l



Diabierna 13 & Diasabra 14 di Januari Den Cas di Cultura

REGLAMENTACION PA HAYA KAVEL PA CARNAVAL 1995

ORANJESTAD (AAN): For di Dienst Domeinbeheer DIARIO a haya e reglamentacion pa loke ta trata e dunamento di kavel pa carnaval 1995.

Seyamento di buzón lo tuma lugar riba 20 di januari 1995 y esaki lo tuma lugar na Domeinbeheer den presencia di Notaris M.A. Eman 10.00 a.m.

Accepta peticion pa kavel na Domeinbeheer : 23 di

januari te cu 27 di januari 1995.

Loting na Tele Aruba : 30 januari 1995 08:00 - 10:00 p.m. (si ta necesario otro loting lo tuma lugar na Domeinbeheer).

Publica lista di nombrenan den corantnan local: 1 - 2 - 3 februari 1995.

Busca vergunning na Domeinbeheer: 6 di februari te cu 10 di februari 1995.

Ponemento di trailers: 11 -

12 di februari 1995.

Kitamento di trailers: Ultimo dia ta 5 di maart 1995.

Tur persona di 18 aña y pariba por haci un peticion na Minister pa bin na remarca pa haya un kavel pa pone solamente trailer, stellage of auto (no pallet) canto di caminda riba e ruta di carnaval.

Cada peticion ta costa 4 Florin, segun e "Zegelverordering 1908 art. 34".

Cada persona por haci "so-

lamente un peticion".

Na momento di haci peticion un persona mester por identifica su mes solamente cu un cedula, rijbewijs of paspoort.

Cada persona mester acudi personalmente na Domeinbeheer pa haci nan peticion.

Esey kiernen cu bo no por manda un otro persona pa haci un peticion pa bo.

Prijs di kavel ta : 1 kavel 75 Florin, 2 kavel 250,00 Florin, 3 kavel 500,00 Florin.

No ta accepta cheque, e pago mester ta cu placa efectivo.

Personanan cu ta bin na remarca pa haya kavel(nan) (max 3 kavel), door di e loting na Tele aruba, tin cu acudi personalmente na Domeinbeheer y cu e mesun identificacion cu e la bin haci su peticion cu ne.

No tin sistema di volmacht mas.

En total tin 315 kavels disponibel.

Pa bin na remarca pa un kavel pa bende cuminda y bebida, un persona mester haci un peticion na Minister.

E peticion aki lo tin e mesun procedura cu e peticion ariba menciona.

E persona cu bin na remarca pa haya un kavel pa bende cuminda y bebida mester pidi un "Buffetvergunning" na Centraal Bureau Juridische en Algemene Zaken despues di a haya e vergunning na Domeinbeheer.

Tin 7 kavel disponibel pa venta di cuminda y bebida.

Den caso cu un persona haya un kavel y no haci uso di esaki un siman prome cu e parada grandi di carnaval, e kavel aki por worde duna na un di e otro personanan cu

ta aparece riba e lista di espera na Domeinbeheer.

E cayanen cu lo bay tin kavel disponibel ta Vondellaan y L.G.Smit Boulevard.

Den Fregusonstraat por pone trailer, stellage, auto etc. sin cu mester di paga pa esey pero semper teniendo cuenta cu e reglanan di trafico y otro condicionnan.

Pa dia Domeinbeheer lo entrega 60 vergunning.

Riba e prome dia e vergunningnan pa venta di cuminda y bebida (7) tambe lo worde entrega.

E entrega di e vergunningnan lo ta den e forma aki:

Prome dia; vergunning pa venta di cuminda y bebida (7) parti mainta.

Vergunning pa pone trailer, stellage of auto; number 1 te cu number 30 parti mainta, number 31 te cu number 60 parti atardi.

E di dos dia: number 61 te cu number 90 parti mainta, number 91 te cu number 120 parti atardi etc.

Manera tur aña, e persona cu yega laat pa scoge un kavel lo perde su turno y lo mester keda warda te despues e ultimo persona pa e dia ey a scoge su kavel.

Mescos cu aña pasa DOW lo percura pa tentnan worde instala den e ruta na Vondellaan y L.G.Smit Boulevard pa facilita e personanan cu no tin trailer y ta desea di haci uso di esakinan.

No ta existi ningun clase di reservacion, esun cu yega prome por staciona su mes bao di e tentnan.

Tambe lo tin 7 toilet trailers instala den e ruta di carnaval pa facilita e publico.

Horario pa entente publico ta como lo siguiente:

Mainta 07:45 - 11:30 atardi 13:15 - 15:30.